

貳臣傳卷之十一

陳名夏列傳

陳名夏江南溧陽人明崇禎十六年進士官翰林修撰兼戶兵二科都給事中福王時以名夏曾降附流賊李自成定入從賊案

本朝順治二年七月名夏抵大名投誠以保定巡撫王

文本疏薦復原官旋擢吏部左侍郎兼翰林院侍讀學士時大兵定江南九卿科道議南京設官因革裁併事不決名夏以

貳臣傳 卷十一

國家定鼎神京居北制南不當如前朝稱都會宜去京之名存設官之實疏入稱

旨三年丁父憂

命在官任事私居成服並

敕部議贈卹復陳情請終制

賜銀五百兩暫假歸葬仍給俸贍在京家屬明年還朝五年

初設六部尚書各一卽授名夏吏部尚書定例各省

道府州縣等官陞遷俱俟三年考滿名夏以地方需

人必待考滿勢難懸缺奏改歷俸三年撫按荐舉酌



量推補尋加太子太保八年授宏文院大學士晉少保兼太子太保九年以黨附吏部尚書公譚泰議罪解院任給俸如故發正黃旗下與閒散人隨朝初睿親王多爾袞專擅威福尚書公譚泰剛愎攬權名夏既掌銓衡徇私植黨揣摩執政意指越格濫用匪人以迎合固寵及多爾袞事敗御史張煊劾奏名夏結黨行私銓選不公諸劣蹟下諸王部臣鞠議會

上方巡狩譚泰獨祖名夏定議諸欵皆
致前事且多不實煊坐誣論死至是譚泰以罪伏誅

貳臣傳

卷十一

二

命親王大臣復按張煊所劾名夏罪狀名夏厲聲強辨及詰問詞窮涕淚交頤自訴投誠有功冀貸死

諭曰此輾轉矯詐之小人也罪實難逭但朕有前旨凡譚泰干連概赦免若復執名夏而罪之是不信前旨也因宥之

且
諭令潔已奉公勿以貪黷相尙冀其自新以副倚任十年復

補秘書院大學士時吏部尚書員缺左侍郎孫承澤請令名夏兼攝

上以侍郎推舉大學士有乖大體責令回奏復

諭名夏曰爾可無疑懼越翼日仍

命署吏部尙書

上嘗幸內院

閱會典及經史奏疏必與諸臣講求治理兼

訓諸臣以滿漢一體六部大臣不宜互結黨與

誠諭名夏益諄切焉會有

旨令集議刑部論任珍家居怨望指奸謀陷諸罪應死狀名

夏及大學士陳之遴尙書金之後等二十八人與刑

部九卿科道等兩議得

貳臣傳

卷十一

三

旨責問名夏復巧飾欺蒙論死復

詔從寬典改削官銜二級罰俸一年仍供原職十一年大學

士寯完我列欵劾奏名夏曰名夏屢蒙

皇上赦宥擢用宜洗心易行効忠於我

朝不意其蠱惑紳士包藏禍心以倡亂嘗謂臣曰要天

下太平只依我兩事臣問何事名夏推帽摩其首云

留髮復衣冠 天下卽太平臣思爲治之要惟在法

度嚴明則民心悅服名夏必欲寬衣博帶其情叵測

臣與逐事辯論不止千萬言灼見隱微名夏禮臣雖

恭惡臣甚深此同官所共見聞者也今將結黨奸宄
事蹟言之名夏子掖臣居鄉暴惡士民怨恨欲移居
避之汪寧有入官園宅在城各官集費三千兩代爲
納價遂家焉掖臣橫行城中說人情納賄賂各官敢
怒不敢言人又懼其威勢名夏明知故縱科道官豈
無一人聞之不以一疏入告其黨衆可見矣名夏署
吏部尙書時因趙延先係其契交驟加陞擢科臣郭
一鵠疏言吏部陞官遲速不一指延先爲証多開資
俸兩月名夏欲罪之劉正下不平事乃已臣思趙延

貳臣傳

卷十一

四

先不當陞而陞名夏反欲罪言官其攬權可見矣浙
江道員史儒綱係名夏姻親爲浙撫蕭起元所劾革
職提問名夏許其復官屢囑起元起元難之遲延三
四年不結臣聞之已久一日見名夏票蕭起元疏苛
加指駁批從重議處額色黑圖海以爲非臣言此疏
祇宜批該部議奏名夏乃允其欲爲史儒綱報復可
見矣翰林張天植告假回南名夏助路費銀百兩天
植于其家還銀名夏不知曾言天植得罪于我所以
外轉後知銀已還見天植又曰還爾翰林可也臣思

甄別翰林出自

蓋裁而名夏直任去留由已欺詐實甚乃昨見馮銓等薦舉
十二人疏內列有天植則名夏之營私巧計更莫測
矣名夏與山西牛射斗結姻吏科魏象樞係其姻戚
象樞劾司官錢受祺擅委事將巡捕誤作中軍後自
檢舉下部核議象樞應降級調用名夏輒票罰俸六
個月其護黨市恩顯然矣臣等職掌票擬十字輕重
關係公私臣慮字有錯悞公立一簿注姓以防推諉
行之已久一日名夏不俟臣等到齊自將公簿注姓
貳臣傳

卷十一

五

上命內

大臣傳出科道官結黨論旨臣書稿底交付內直及
票紅發下名夏抹去擠異排孤一語改去明季埋沒
局中因而受禍今方馳觀域外豈容成奸四句作兩
句泛語其糾黨奸宄之情形恐

皇上看破故欲以隻手障天也請

勅下大臣

確審具奏法斷施行則奸黨除而治安可致矣遂

下廷臣會勘名夏辯諸欵皆虛惟留髮復衣冠所言

屬實完我復興大學士劉正宗共證名夏攬權市國
欺罔罪讞成論斬

上列名夏久在近密故處絞子掖臣逮泊杖戍

京臣傳

卷十

六



Vertical text on the left margin, including the characters '京臣傳' and '卷十' repeated, likely bleed-through from the reverse side of the page.

白廣恩列傳

白廣恩陝西人明崇禎初流賊四起廣恩從盜魁混天猴攻陷宜君鄜州龔靖邊爲副將張應昌所敗中矢遁嗣總督洪承疇破賊于平涼廣恩降授都司隨總兵曹文詔敗賊金川嶺積功至薊州總兵我

太宗

皇帝征明錦州承疇合諸鎮兵來援以廣恩代左光先爲援勦總兵與總兵曹變蛟馬科王樸吳三桂唐通王廷臣楊國柱等合兵十三萬援松山國柱戰死俄聞我

貳臣傳

卷十一

七

太宗

皇帝親臨督陣諸將大懼出戰連敗餉道絕樸先遁廣恩等相繼走過我軍邀擊大敗松山破承疇就擒并擒廣恩子良弼留養之明法司論諸逃將罪廣恩貶秩尋代馬科鎮山海關良弼遺之書不報是年冬我軍由黃崖口入薊州廣恩自馬蘭峪同總兵白騰蛟來援而敗以兵入衛京師莊烈帝喜資銀帛羊酒俄戰龍山口稍有斬獲以捷聞莊烈帝始惡廣恩觀望降旨切責而冀其後效持命敘功明年我軍由山東北旋廣恩合唐通等八鎮兵邀拒于密雲之螺山

悉潰敗總督趙光祜請召廣恩入爲武經畧廣恩抗
不赴召大學士吳姓將督師征流賊請佯逮廣恩治
罪而已力救因率以討賊莊烈帝從之廣恩感姓甚
受約束無何莊烈帝遣中官賈金二萬犒其軍且諭
以溫旨廣恩遂驕不爲姓用大掠臨清開徑歸陝西
莊烈帝不得已命總督孫傳庭辨賊廣恩桀驁不可
使傳庭惜其驍勇用以統火車營後傳庭自汝州蹙
賊于寶豐李自成來援廣恩與總兵高傑夾擊敗賊
轉戰至邠縣軍飢因還軍迎糧自成帥精騎還戰傳

貳臣傳

卷十一

八

庭問計于諸將高傑請戰廣恩不可傳庭以爲怯廣
恩不憚及戰賊陣五重官軍破其三賊驍騎殊死鬪
廣恩軍將火車者呼曰師敗矣脫輓輅而奔衆軍大
潰高傑陷伏中廣恩走汝州不救傳庭渡河入潼關
加廣恩盪寇將軍俾緣道收潰卒保關賊隨至攻關
廣恩力戰敗傑以前怨亦擁衆不救關遂破傳庭戰
歿廣恩西奔固原賊追擊之卽開門降自成大喜握
手共飲僞封桃源伯

本朝順治二年英親王阿濟格勦賊陝西廣恩具疏投

誠自陳罪狀得

言白廣恩自矢奮勇殺賊具見苦心不必自陳前罪尋入京
隸漢軍鑲黃旗五年八月追敘投誠功授騎都尉世職未
幾死以其兄子良柱襲

貳臣傳

卷十一

九

南一魁列傳

南一魁陝西膚施人明副將崇禎末流賊李自成陷陝西一魁降賊偽授叅將尋棄之投鄂爾多斯部

本朝順治二年英親王阿濟格逐自成至山西一魁來

降王令前驅西渡河同明降將康鎮邦招撫延綏東路自黃甫川至安定邊十七堡俱効順殺偽官劉九德隨大軍收西安以功授寧夏總兵時賊黨盤踞香山奸回聚河東一魁招散之并撫定兩河八路城堡

陝西平

貳臣傳

卷十一

十

勅來京

另用隸漢軍鑲紅旂四年流賊張獻忠餘黨孫可望踞四川平西王吳三桂都統李國翰由陝西進勦一魁統右路總兵加都督同知五年七月平河州叛回總督孟喬芳令協勦文縣賊趙榮貴復其城八月敘功授三等輕車都尉六年十月賊首劉登樓任一貴謝汝德等陷延綏營堡三桂檄一魁往勦次武威遣叅將王國英等敗之楊方坪斬偽將王虎復鎮靖堡一貴奔定邊同汝德拒守進圍之賊將齊進才殺汝德降擒偽官戴治民等花馬池賊黨周四聞風遁連

復榆林東西路十八營保得一貴于城斬之吞樓亦
爲總兵劉芳名擒斬一魁進勒四川九年四月三桂
檄同總兵馬化豹復敘州府時兵馬不習水土多死
亡一魁憂成疾八月可望率水陸數萬陷敘州府執
一魁送貴州十年三月可望犯寶慶府我兵敗之岔
路口一魁率把總袁功等兵四十由新化奔回常德
總督祖澤遠奏報得

言南一魁抱病遇難自拔還歸情殊可念俟平西王疏到爾
部再行覆奏閏六月大學士洪承疇經畧湖廣廣東廣西

貳臣傳 卷十一

十一

上命一魁以左都督赴軍前補給世襲
雲南貴州五省以一魁善戰知賊情請爲部將

救書

賜銀千兩及甲冑馬械尋以所蓄慣戰家丁散在陝西各堡

寨調聚軍前可成一旅請親赴陝招訪整頓

尤之十一年集兵千二百馬贏千餘同弟叅將一才等抵長

沙克經畧前標總兵十二年三月明桂王將李定國

自新會敗走南寧

詔命靖南王耿繼茂合湖南廣西兵進攻承疇遣一魁同左

路總兵張國柱協勦十三年定國奔安隆明桂王往
依之遂奔雲南承疇留國柱鎮廣西以一魁隨征貴
州平之十二月隨大兵入雲南桂王奔緬甸一魁回
駐衡州十一年九月加太子少保十八年四月兵部
以一魁原隨經畧取雲南今雲貴已平衡州係腹裏
既有城守副將總兵官應裁得

旨允行一魁回京候補十二月

詔以原職隨旂上朝康熙五年一魁以曾蒙

世祖章皇帝特授總兵內大臣齎拜大學士范文程皆知之

貳臣傳 卷十一

三

至今未授呈請兵部代題遂私到齎拜家及傳

旨問齎拜文程皆云不知部議以一魁身為大臣所陳詐妄

又擅往輔政大臣家應革去職銜及世職佐領送刑

部得

旨南一魁著削去佐領罰俸一年十一年五月以年老免上

朝十三年八月死

賜祭葬如例子鵬襲職

孫可望列傳

孫可望陝西延長人流賊張獻忠養子也獻忠據四川以可望爲僞平東將軍

本朝順治三年肅親王豪格奉

救統兵

征四川獻忠敗死可望與黠李定國劉文秀艾能奇

白文選等率殘衆竄入川南襲重慶殺明守將曾英等陷綦江及遵義復由遵義入踞貴陽值阿迷土司沙定洲作亂雲南明黔國公沐天波奔永昌可望乃率衆趨滇與沙定洲戰于蛇花口定洲敗遁阿迷可貳臣傳

卷十一

十三

望留定國文秀于雲南而自引兵還貴陽曾艾能奇死遂并其部衆僭稱平東王以干支紀年鑄錢文曰興朝通寶定國在雲南迎天波任職如故與交善聞明桂王據廣東遙附之蔑視可望不爲下可望誘定國攻之滇武廠以威衆定國益忿尋以兵勦擒沙定洲兵力日甚可望不能制乃通使降附由榔乞封爲秦王時由榔據廣西我平南王尙可喜定廣東定南王孔有德定湖南將夾攻廣西由榔欲藉可望爲援許而結之于是可望與定國會謀抗拒大兵俄而大

兵攻桂林由榔走南寧趣可望出靖州定國出武岡以圖桂林文秀出敘州文選出重慶以圖成都可望乃由平溪掠朝陽堡陷靖州定國由武岡趨全州犯桂林有德督戰失利城陷死之可望同定國縱掠湖南郡邑

謹親王尼堪爲定遠大將軍偕貝勒屯齊進討援衡州定國不戰反走敬謹親王率輕騎躡其後遇伏殲于陣屯齊代之屢挫其鋒定國走廣西可望還貴州遣文選自銅仁覓辰州以書招我總兵徐勇勇執而

貳臣傳

卷十一

十四

誅之迎戰荔溪文選數敗卻可望益驅衆助之遂陷辰州勇督兵巷戰手刃數十賊人中創墮馬遂遇害定南將軍阿爾津援辰州文選遁定國復率衆四萬由廣西犯湖南大兵敗之於永州定國由龍虎關逸去掠廣東連陷郡邑可望亦率衆四萬出武岡大兵自永州還寶慶遇之於岔路口分兵逆擊斬馘無算獲其輜重可望遁歸遣文秀以衆六萬巨艦千餘來犯常德別遣其將馮雙禮盧明臣犯武昌我寧南靖寇大將軍辰泰遣護軍統領蘇克薩哈伏兵邀擊明

臣赴水死雙禮被劄遁文秀走貴州時廣東大兵擊敗定國進薄南寧可望乘間遷由榔居安隆擅殺其從官數加斥辱復議移之貴陽先是定國戰敗永州可望欲以罪殺之使人約赴沅州議事定國不至自此可望與定國遂絕可望自設內閣六部等官立太廟定朝儀改印文爲八疊盡易其舊由榔懼甚密使人封定國晉王文秀安南王及可望欲移之貴陽由榔益懼陰使約定國以兵迎衛時文秀在安南私迓由榔暨定國人居雲南由榔使人慰諭可望可望不

貳臣傳

卷十一

五

受命引兵攻由榔留雙禮守貴州令文選統諸軍前行至三岔河與定國文秀夾水而陣文選陰附定國單騎奔其軍可望遣其將馬寶等由潯甸間道襲雲南而自率衆拒定國戰方合兵潰走貴州定國遣文秀文選及將軍楊武等窮追雙禮爲可望殿後截其子女玉帛降于文秀可望倉皇走河南遣其將程萬里赴經畧洪承疇軍前納款而楊武追至沙子嶺劫掠殆盡承疇遣兵馳援可望乃得脫携妻子至長沙乞降承疇以

聞時順治十四年十月也

上以可望革心向化宥其既往授爵爲義王

詔曰卿阻在南服十餘年未識朝廷寬仁大度今一旦翻然便爲識時俊傑朕深嘉予可望奏言臣當明季喪亡之際

收士卒繕甲兵此心久嚮慕

天朝欲以滇黔盡隸版圖今適滇黔內附臣得宣布

天朝威德率所部歸誠而李定國白文選等尙假借名號橫逆如故請速張撻伐以遂生民去逆效順之忱

上優詔答之

貳臣傳

卷十一

七

遣大學士麻勒吉等齎

敕印封可望十五年可望隨麻勒吉至京

命簡親王濟度等郊迎翼日入

覲宴於中和殿

賚白銀萬兩其部下陳傑劉天瑞等百餘人俱授職有差可

望奏言大兵征滇正臣報効之日滇南形勢臣所熟

悉或偕諸將進討或隨大臣招撫諸境庶少効奉國

初心疏下王大臣議以大兵分三路趨雲南指日奏

功無事可望再往寢其奏是年大兵直抵永昌由榔

偕休天波等竄緬甸定國文選分竄孟養木邦十七年六月可望疏辭封爵

上特諭曰王子身來歸孤踪疑畏抗辭册印理亦宜然但封

爵出

自朕裁卿其祇受十一月可望病死謚恪順子徵淇

襲未幾卒弟徵灝請襲御史孟飛熊疏言可望爲張獻忠餘黨擁衆久踞滇黔負固不服而擾亂邊陲及被舊黨李定國所敗衆散勢孤窮蹙乞降以後未嘗効力軍前前有重罪後無微勞濫膺非分之榮身死後復承襲二次亟宜停止或酌量以次降等予襲無貳臣傳

卷十一

七

旨孫可

望子孫世職自後不必承襲

俾世玷榮班疏下部議降爲慕義公以徵灝襲徵灝卒子宏相降襲一等輕車都尉乾隆三十六年奉

白文選列傳

白文選陝西吳堡人明末從張獻忠爲盜

本朝順治三年肅親王豪格征四川獻忠伏誅文選與其黨孫可望李定國劉文秀潰走川南尋並附於明桂王朱由榔七年文選攻遵義八年文秀自四川還雲南留文選守嘉定是年大兵南征文選等敗走大兵入嘉定九年五月文選由遵義出重慶會于嘉定圖成都戰敗七月攻陷辰州我總兵徐勇戰歿士三年可望圖自立憚定國未敢發使文選促由榔移貴

貳臣傳

卷十一

六

州文選雖爲可望用然心不值其所爲以情告由榔姑遲行以候定國之國至安隆文選歸之奉由榔走雲南由榔封文選鞏國公令還貴州慰諭可望可望銜其貳於定國也悉奪所部兵羈之軍中十四年九月可望舉兵叛由榔從部將馬惟忠言復用文選令統諸軍前行定國文秀率師禦之至三岔河與可望夾水而軍文選輕騎奔定國擊敗可望由榔封文選爲鞏昌王十六年大兵取雲南定國屢戰敗文選自

益追及定國定國留之斷後至玉龍關大兵追擊

文選戰敗由右甸遁走木邦由榔遁入緬甸十七年
九月文選由木邦至錫箔所至縱掠進攻阿瓦緊還
由榔阿瓦有新舊二城新城緬甸所居文選急擊之
城垂破爲緬人所給退兵十里城中設備反爲所敗
乃率兵赴孟長會李定國復赴阿瓦先是山榔至緬
久居赭硜文選密遣人告由榔云不敢速進者恐有
他變必得緬人送出爲上策由榔亦以書答之文選
乃陰造浮橋迎由榔爲緬人所覺事不果十八年會
兵阿瓦復遣人求出由榔緬人不許以象兵與定國

貳臣傳

卷十一

九

戰文選引兵橫擊之緬人大敗退保新城復議以丹
師攻之遣人于上流造船爲緬人所焚遂與定國移
兵洞烏未幾潰走錫箔定國亦引還十一月平西大
將軍吳三桂定西將軍公愛星阿會師木邦定國先
奔景線文選據錫箔憑江爲險大兵自木邦一晝夜
行三百餘里臨江造筏將渡文選奔茶山總兵馬寧
等率偏師追之及猛養文選降十二月軍臨緬城緬
人懼執由榔獻軍前定國走死猛獵子嗣興降授都
統銜滇南平

黨崇雅列傳

木

黨崇雅陝西寶雞人明天啟五年進士官至戶部侍郎福王時以崇雅曾降附流賊李自成定入從賊案朝順治元年七月以總督駱養性薦徵授原官崇雅以老病請罷不允九月調刑部左侍郎疏言臣按舊制凡刑獄重犯自大逆大盜決不待時外餘俱監候處決在京有熱審朝審之例每歲霜降後方請旨處決在外直省亦有三司秋審之例未嘗一罹死刑輒棄於市皆委曲為恤刑計也

貳臣傳

卷十一

五

皇上好

頒行新

生之德同揆先聖凡罪人之決不待時與秋後處決者望照例區別以昭欽恤臣更有請者在外官吏乘茲新制未定不無逞臆舞文之弊并乞暫用明律候例再畫一遵守二年二月復疏言流寇暴虐三秦被禍尤烈今勦滅殆盡恐寇黨株連下民未獲寧止請速頒

恩赦以

固人心至督撫為綱紀之宗司道乃旬宣之寄而府州縣各官撫字凋殘所繫尤重簡用務在得人庶可廣

皇仁而布實政並得

旨允行六月百戶安啟懋訐奏原任天津總督駱養性貪婪通賊辭連崇雅下法司訊啟懋坐誣削職八月給事中莊憲祖劾崇雅讞獄含糊遇事少明決卽律令之損益屢荷

明旨而至今未定其衰庸可知請予罷黜奉

諭以所無實免議崇雅因上疏備述衰老情狀並言科臣所指事欸

聖明既有洞鑒無庸置辯但謂臣形骸雖具神理已離卽臣

貳臣傳

卷十一

三

自言不及科臣所言之真切乞

鑒臣庸衰立行罷黜

溫旨慰留之五年遷刑部尙書六年加太子太保八年閏二月調戶部尙書八月加少保兼太子太保十年四月引疾告歸

上以崇雅服官操潔

命在但歲支原俸督撫按臣時加慰問十一月

特召還朝崇雅疏辭奉

旨覽奏以親病不忍遠離具言衰老步履艱難情詞懇切但

朕求賢圖治倦念老臣卿年雖七十猶堪任事宜勉遵前

諭十一年授

國史院大學士十三年復引年乞休

詔加太保兼太子太傅

予告馳駟還籍崇雅奏謝

上見其衰顏憐之

賜冠服

諭曰卿今辭歸籍不能復見朕矣抵里後服朕賜衣卽如見

朕崇雅叩首泣謝頒行復

貳臣傳

卷十一

三

召見賜茶

溫語慰勞

命大學士車克送之十三年

賜之敕曰太保大學士黨崇雅樹品端方視躬清慎久典邦

禁明允葦聲游歷司農廉勤益著召叅密勿作朕股肱翼

翼小心夙夜匪懈正期益殫猷畧佐理昇平乃以齒屬懸

車抗疏解綬高風恬致足表儀型今聞濶年餘深繫朕念

特遣副理事官程可進御前近侍孫尙德全齋敷存問賜


羊酒卿其頤養天和茂膺壽福劬乃德康乃身副朕至意

倘時事有闕勿吝嘉謨人告卿尙敬念之哉康熙五年死
賜祭葬如例

藏臣傳

卷十

西



梁清標列傳

梁清標直隸正定人明崇禎十六年進士官庶吉士福王時以清標曾降附流賊李自成定入從賊案

本

朝順治元年投誠仍原官尋授編修累遷侍講學士十年五月遷詹事閏六月遷祕書院學士十二月擢

禮部侍郎十一年

蘇

賡直隸八府災民清標與侍郎祝世允分賑保定所屬二

十州縣三衛一所并順天府屬騰驤永清二衛屯丁

之在保定者還奏稱

貳臣傳

卷十一

三

百十二年調吏部右侍郎奉

詔陳政事得失清標疏言民生休戚繫乎牧令請令督撫重

視州縣官勿使疲于趨承假以便宜俾興利除害無

或掣肘臺臣職居言路舊有部郎改授之例宜令各

部堂官擇端方謹直者與卓荦州縣各官一體考選

吏部掌人材進退宜于選功二司設記功記過二簿

于序俸陞選中仍分別察核以昭懲勸山林隱逸屢

奉

本未有應者請

敕九卿公舉數人禮聘入京

召見咨訪以收實用下部議行是年轉左侍郎以本生母喪

歸十三年四月遷兵部尚書八月同尚書衛周祚等

奉

敕督賑順天府屬二十七州縣十六年海賊鄭成功由鎮江

犯江寧給事中楊雍建疏言海氛告警

宵旰焦勞樞臣職掌軍機於地形之要害防兵之多寡勦撫
之得失戰守之緩急不發一謀不建一策僅隨事具
覆依樣葫蘆不曰今應再行申飭則曰臣部難以懸

貳臣傳

卷十一

三

擬既不能盡心經畫決策于機先又不能返躬引咎
規效於事後請

天語嚴飭以儆尸素

詔兵部回奏時尚書伊圖奉使雲南清標同侍郎額赫里劉

達李棠馥疏辯自有海警以來凡調發机宜隨時斟酌
審勢議覆未敢依樣葫蘆因循推諉得

旨樞臣職司戎務調度机宜盡心籌畫方為不負委任此回

奏巧言飾辯殊不合理著再回奏於是自引咎下吏部察

議三侍郎皆降二級清標降三級各留任十七年二月京

察自陳

諭曰梁清標經朕特簡昇掌中樞自當殫竭心力以圖報効乃凡事委卸不肯擔任勞怨本當議處姑從寬免其痛自

警省竭力振作五月

上以歲旱令部院諸臣條奏時務清標與李棠馥疏言兵馬往來之地應用米豆薪藹牛酒羊猪及鍋鏹椿諸物上官取諸下司下司取諸民間賠累無窮又奸民捏告通賊謀叛蠹役貪官借端取貨生事邀功致善良受害應俱嚴行飭禁得

貳臣傳

卷十一

三

官所奏上官取諸下司下司取諸民間及借端取貨生事邀功着確指其人于是復奏邇年地方官藉兵馬往來濫派

民間則有舟徒知縣陳經筵合肥知縣岳呈祥等爲巡撫張中元總督蔡士英所劾藉通賊謀叛名魚肉平民則有桐城知縣葉桂祖常熟知縣周敏等爲給事中汪之洙巡按何元化所劾其未經劾奏者不知凡幾故請

旨飭禁

懲前以愆後疏下部知之康熙五年調禮部尚書六年充會試正考官旋遇京某范織八年輔政大臣釐

拜以專擅獲罪拘禁

詔復前此無故黜革諸臣原官清標預焉十年補刑部尚書

十二月調戶部尚書充

經筵講官十二年平南王尚可喜請撤藩歸遼陽

命清標往廣東經理藩屬遷移事旋以逆藩吳三桂反仍

勅可喜留鎮清標還京十八年給事中姚締虞請寬科道糾

劾不實處分許以風聞言事

上召詢九卿等清標奏曰言官奏事原不禁其風聞恐有藉

稱風聞挾私報怨者是以定有審問全虛處分之

貳臣傳 卷十一

例宜如舊

天

正是其言二十一年

命九卿等議改強盜不分首從皆斬例刑部尚書果斯海等

議盜犯為從者免死清標與左都御史徐元文等謂

宜循舊例別為一議

上召詢清標奏曰法外施仁原屬至美之事但強盜皆係兇

惡難分首從或罪果可矜間行寬減應出自

特恩若預定一例則將僥倖于不死而愈恣為盜

上曰朕因每歲盜案處決甚多究其所劫之物甚微豈盡甘

予爲盜或以飢寒所迫深爲可憫故與爾等商之今所言極是當仍舊例別思弭盜良法二十三年

命以戶部尚書管兵部事二十七年授

保和殿大學士是年湖北巡撫張汧貪婪事覺清標曾

保舉爲布政使部議革職得

旨降三級留任三十年死遺疏入得

旨梁清標簡任机務宣力有年勤慎素著忽聞溘逝朕心深

爲軫惻下部議

賜祭葬如例所著有蕉林文集

貳臣傳

卷十一

五

衛周祚列傳

衛周祚山西曲沃人明崇禎十年進士官戶部郎中福王時以周祚曾降附流賊李自成定入從賊案

本

朝順治元年起授吏部郎中三年丁父憂吏部侍郎金之俊放心郎甯古里等以周祚掌銓務清慎勤練議給假治喪一月卽出任事周祚具疏乞終制

上如所

請服闋補原官九年遷太僕寺少卿十年以大學士洪承疇荐授刑部左侍郎疏言各省逮捕土賊坐輒數十人恐累無辜請自今令所在有司必鞫訊得實

貳臣傳

卷十一

三

始具獄詞解部而釋其誣者京師五方雜處奸民逞詐許訟者衆請嚴反坐罪以遏之又贖刑所以示矜恤功臣犯法苟非大惡原不宜與平民同論請令所司復收贖之令定議功之典以協平允得

旨所奏

有裨明刑下部詳議行十一年調吏部侍郎十二年正月疏言六部司屬五年始一京察故循資遞轉者多賢否無所區別宜於歲終令各堂官特糾舉一二入而黜陟之又言知府承流宣化責任甚重請

敕督撫

詳覈所屬斥其老病者前此疆圉新闢招民百名則

授知縣暫委各官卽予本職乃一時權宜之計今宜
試以文義其不嫻者招民改補武職暫委止授佐雜
並下部議行五月擢工部尙書十三年八月同尙書
梁清標等分賑畿輔尋以重脩

乾清宮成加太子太保復以

奉先殿成加少保十五年調吏部尙書旋授

交洲閣大學士兼管刑部尙書十六年

詔獎奉職勤勞晉少傅太子太傅充會試副主考官十七年

四月同大學士巴哈納等校定律例十一月考滿晉

貳臣傳 卷十一 三

少師兼太子太師陰一子入監十八年復內三院周

祚改

國史院大學士復充會試副考官會吏部尙書孫廷銓

假歸奉

命暫攝部事康熙二年乞假葬其兄周允明年還朝充武會

試正考官六年充纂修

世祖實錄總裁官八年三月以疾引退

命乘駟歸子俸如故九月周祚疏辭俸

諭曰卿著有勞績特給祿以資頤養勿辭十一年四月

諭吏部曰原任大學士衛周祚品行端方清慎素著兼以引疾請告回藉調治今閣務殷繁釐理需人卽令乘駟來京入閣辦事六月授

保和殿大學士兼管戶部尙書先是令各省皆鑄錢嗣有以銅貴請停者下部議遂盡罷各省採鑄至是周祚言銅鉛產自山澤取之下民開採之省卽以鼓鑄俾泉布流通民用益裕于是復著爲令時

上肇舉經筵日講周祚請令講官于尙書大學衍義貞觀政要諸書擇其最切治道者抽繹闡明以廣

貳臣傳

卷十一

三

聖德資政理又言各省通志尙多闕略宜

勅儒臣修纂舉天下地理形勢戶口田賦風俗人才燦然具列彙爲一統志以備

御覽

上並嘉納之十二月周祚疾

遣侍衛太醫問視周祚再疏乞罷

詔原官致仕仍乘駟回籍子倅十四年死

賜祭葬如例後大學士馮溥告歸

上以周祚居鄉謹厚若未嘗任顯秩者

特舉以諭溥云四十二年

上西巡駐曲沃

還內大臣酬酒于墓並

諭有司存撫其孫四十五年入祀鄉賢祠

貳臣傳

卷十一

三

蘇林曰晉書卷四十五平大郡獻寶圖

晉書卷四十五平大郡獻寶圖

晉書卷四十五平大郡獻寶圖

晉書卷四十五平大郡獻寶圖

戴明說列傳

戴明說直隸滄州人明崇禎七年進士由戶部主事累遷兵科都給事中流賊李自成陷京師明說從賊賊遁明說逃歸原籍

本

朝順治元年六月以招撫天津錦衣衛百戶危列宿荐起原官九月疏言井陘太原盜賊尙多勦除宜速其各路兵馬經制既定者按時撥餉各處錢糧

恩詔蠲

緩者令撫按實力奉行十月又言天下初定人清尙懷疑貳請嚴縱容盜賊之罪優贖獲奸細之賞二年

貳臣傳

卷十一

十四

二月疏言流賊李自成兵敗氣奪應急發兵勦擒秦中士民或曾爲賊用當溥雪以安反側遣督撫督率官吏專心撫字俱下所司知之五月遷太常寺少卿九月調大理寺少卿四年遷太常寺卿五年擢戶部右侍郎六年加右都御史銜七年給事中杜篤祐劾戶部不奏銷錢糧及徇私註差等事尙書謝啟光降二級明說罰俸八年甄別部院大臣

諭曰

戴明說在戶部于同官貪婪不能秉公力爭反唯唯聽命歷來銷算事屬同官者必據爲已有有明係希望有司

已銷算其操守不潔可知姑念年力尙壯降三級調外用
十年補河南汝南道十一年四月遷廣西布政使七

月

謝吏部戴明說年力富強才識明敏尙經降調懲誠必洗滌

自新遇京堂缺補用十二年正月授刑部右侍郎二月轉

左三月擢戶部尙書十三年二月因河南稅務朱世
德虧缺額稅明說議援

免罪

上責其瞻徇降四級調用六月調太常寺少卿十四年遷右

貳臣傳

卷十一

三

通政十五年遷太僕寺卿丁母憂歸十七年左都御
史魏裔介劾明說居心浮躁前在戶部時家有慶賀
事必偏告司官希圖餽送丁憂回籍後私入京師有
乖禮制疏下部議革職尋死

劉昌列傳

劉昌河南祥符人明天啟五年進士官至戶科給事中
中以駁尙書張鳳翼敘廢將陳壯猷功被斥崇禎十
五年御史張肯堂請召還建言被遣諸臣復昌原官
職福王時以昌曾降附流賊李自成定入從賊案
本朝順治元年睿親王定京師昌投誠仍授原官六月
疏陳定經賦立官制頒俸祿重守令明等威立規模
審廟算推誠心集羣策施實惠十事

詔從所

請旋擢太常寺少卿奏設金太祖世宗陵寢奉祀官

貳臣傳

卷十一

美

二年授太僕寺卿四年擢工部右侍郎尋轉左六年
八月兩遇

恩詔晉

太子太保九年奉

命致祭

闕里以私歸原藉論奪俸十年正月遷工部尙書四

月以會議革職總兵任珍罪徇黨失實下九卿議擬
流徙奉

旨寬免

鑄秩一級供職如故會兩澤愆期應

詔求言

疏陳時事其畧曰西山之民惟藉採煤爲生且產煤

之山已供正賦今復責之輸煤轉運已多勞費重徵

亦擾追呼非所以廣

皇仁而定賦式也請

特恩蠲除又易州額貢紅螺炭例遣工部主事往州監造官

役供億日繁漸啟需索之弊請

敕令撫按止委佐貳一員駐州督辦均得

旨允行著爲令十一年河道總督楊方興奏報河水浸溢給

事中許作梅請復九河故道

詔廷臣集議昌隨眾議以故道久湮事難懸擬請

飭督撫會同詳勘給事中林起龍劾方興不塞決口致河北

貳臣傳 卷十一

三

被淹并劾昌任工部尙書借會議王詳勘故道之說以掩方興不塞決口之罪應逮問時昌分賑直隸飢民

敕還對質不實起龍以誣奏坐罪十二年正月給事中饒宇

式復劾其察勘河工因循玩忽製造鉄斛推諉遷延

請

敕部勘訊

上令昌回奏昌以河工屢有咨催鉄斛火候難强奏辯遂免

議二月調刑部尙書十二月以巡按御史顧仁納賄

事覺昌坐濫舉奪俸十三年三月考滿加少傅兼太子太傅四月

上以昌自任刑部後獄訟未清深負委任

命削加銜降三級留任七月

詔復原銜

諭以洗心滌慮改過自新九月奉

命往正定諸府審錄罪囚十四年以葬親假歸十五年還朝

補工部尙書十六年值會推江寧巡撫誤以降級外

用之沈文奎列名陪推部議奪俸十七年以老病乞

貳臣傳

卷十一

美

休養

旨卿謹慎練達歷著勤勞念年齒已邁著以原官致仕并

勅馳駟回籍廕一子入監康熙九年死

賜祭葬如例謚勤儉

柳寅東列傳

柳寅東四川梓潼人明崇禎四年進士官御史巡按順天流賊李自成陷京師寅東從賊授僞直指使

本

朝順治元年投誠授原官疏言頃見吏部除官凡前朝犯賊削職及受流賊僞職諸臣概予錄用恐賢否混淆或爲民害請罷斥禁錮以清銓政又言方今

景

運方新民志未定犯罪者僅以鞭笞從事不足威衆宜速定律令頒示中外得

旨歸順

官民既經擢用不必苛求罪人鞭責本覺過寬自今

貳臣傳

卷十一

完

問刑暫準明律副朝廷刑期無刑之意又疏言戡亂大計惟流賊最急當調蒙古入三邊而大兵直趨秦晉使賊腹背受敵別遣兵扼蜀漢衝要以防竄逆

上嘉納

之時畿輔初定賦役尙沿明制州縣額丁遭亂逃亡有司虛立丁口以符原額里甲私編餘丁責銀包納謂之包丁其逃亡荒廢之地里甲加派土著業戶代輸地糧及屯田已報陞科而實未墾者坐令營路納糧謂之荒糧並爲民累寅東奏請豁免尋復疏請裁冗員並得

旨免行年擢太僕寺少卿三年奉

命巡撫順天雄縣禿衿許平侯者窩巨盜劉文禹等百餘人

行劫謀攻霸州容城為其黨侯向志所首寅東督兵

捕斬平侯及盜首二十餘人餘黨解散尋大興土賊

李振宇就撫寅東請貸其死官給廩食凡海子紅門

諸土賊咸責令偵捕自効從之初寅東與侍郎李元

鼎善其出為巡撫也元鼎荐其門下倪先任才堪使

令寅東遂給以叅將牌劄四年部臣以先任曾為盜

黨寅東濫給牌劄請逮訊鞫實與元鼎並罷職歸八

寅臣傳 卷十一

罕

上親政

詔寅東仍以巡撫起用十三年湖廣巡撫員缺吏部擬列寅

東名進給事中姚延啟劾其年老才庸請勒令休致

下部議寅東精力已衰應以巡撫銜致仕從之未幾

死

貳臣傳卷十一終

貳臣傳卷之十二

陳之龍列傳

陳之龍江西宜春人明舉人歷官三邊監軍道流賊李自成陷陝西之龍降賊授偽寧夏節度使職

本

朝順治元年大兵定京師之龍舊將董學禮自懷慶降以書招之及英親王阿濟格追賊至陝西之龍詣軍門降委署三邊總督移駐固原二年三月進京

陞見十

一月授都察院右僉都御史巡撫鳳陽三年三月疏言臣自徐入境見小口河決沛縣首受其害舊黃河

貳臣傳

卷十二

一

水橫衝廬舍邳州宿遷半皆湮沒當議蠲賑淮楊地方文武貪殘冒濫者不少分別應叅革更換各屬皆投順暫駐之兵統馭無人糜餉甚多宜早定經制

上嘉納

之龍檄調廬陽六安兩營兵擊走之又招降海賊徐見吾盧瑞宇等四年正月如臯縣士賊趙雲李七偽稱都督指稱明廢官李之椿為謀主謀攻通泰等處之龍發兵斬賊千餘搜獲之椿調之椿未與謀因未繳出前明關防遣戍十月協同漕運總督楊聲遠勦

監城壩灣賊遣標將王永昌等勦廬江賊俱平之五年奏擒奸人黃毓祺于通州法寶寺獲偽印及悖逆詩詞原任禮部侍郎錢謙益曾留毓祺宿且許助資招兵

詔總督

馬國柱嚴鞫毓祺死于獄謙益辨明得釋時江西鎮將金聲桓叛攻陷無爲州巢縣等處巡按潘朝逸劾之龍不能禦寇縱兵淫掠得

旨降

一級調用又以審理周龍隱占明逃藩遂平王眷屬一案遲延朦混下部議革職之龍尋死

貳臣傳

卷十二

二

駱養性列傳

駱養性湖廣嘉魚人明崇禎時官錦衣衛都指揮使
洊遷左都督加太子太傅當周延儒與吳甦同秉政
欲引用養性甦持不可且因召對言廠衛弊害延儒
附和之養性怨甦並怨延儒行人司副熊開元養性
鄉人也劾延儒罪莊烈帝怒其讒譖輔臣令錦衣衛
逮至嚴訊時給事中姜琛以邈玩詔旨亦下錦衣衛
養性告同官以奉密旨斃兩人於獄同官舉天啟
時掌衛事鍛鍊殘酷崇禎初伏誅之田爾耕許顯純

貳臣傳

卷十二

三

為戒養性懼漏語于同鄉給事中廖國遴國遴以語
同官曹良直良直疏劾養性歸過于君而自以示恩
若無此旨不宜誣謗卽有之不宜洩請誅養性疏入
留中會吳甦以出征襄陽延緩罷任養性構陷之謫
戍金齒延儒督師通州飲酒娛樂而日騰章奏捷養
性陰刺其軍中事以聞延儒罷歸養性復與中官結
騰蜚語莊烈帝乃盡削延儒職遣緹騎逮至京令自
盡開元琛並出獄遣戍養性任職如故流賊李自成
陷京師養性從賊至

本朝順治元年睿親王多爾袞定京師養性與御監太監張澤民迎降于城外旋與錦衣衛都指揮同知王鵬冲等率旗尉陳設儀仗導引入

武英殿王令養性仍原官六月令總督天津軍務七月

疏言鹽課一節誠今日兵餉急需然鹽課出自南戶部一時路阻難以膠柱應權刻鹽票以當正引卽令商人赴戶部按引納課發鹽運使掣鹽至徵課舊例每引徵銀六錢五分七厘有零加徵遼東等餉在各商若于上納食鹽之民又苦價高病商病民莫此爲甚現貳臣傳

卷十二

四

在津兵待餉請卽以長蘆鹽課抵兵餉庶爲商民兩便從之又疏請徵納錢糧照舊例每兩加火耗三分其餘停免得

旨錢糧

正賦尙宜酌蠲額外豈容多取着嚴行禁革先後疏荐

明尙書張忻侍郎黨崇雅李化熙副都御史房可壯通政使王可弼並得

旨徵用

十月以擅迎明福王朱由崧所遣使臣左懋第等部議革職爲民

上念養性有迎降功革總督任仍留太子太傅左都督銜十

二月

賜鞍馬

二年正月奏言漕糧爲國計所關明舊額二百餘萬

皆取於江南北今大兵業已渡河當以總漕大臣前往相度料理隨收隨解庶京庾有儲又兩淮鹽務國計所賴招商裕課亦宜及時圖度疏下部知之五月敘迎順功加太子太師六月百戶安啟懋許養性貪婪通賊事下法司訊不實褫啟懋職十月疏言守候期年未蒙委任今陞太子太師何敢坐糜廩祿而貳臣傳

卷十二

五

思報効伏懇

勅諭吏部得

旨靜候簡用五年八月吏部以養性原係武職出身前已緣

事不應再補文職請

勅兵部降用六年二月授浙江掌印都司尋死

張若麒列傳

張若麒山東膠州人明崇禎四年進士任清苑縣知縣十一年行取考選得用給事中檢討楊士聰劾吏部尚書田維嘉考選行私壯烈帝因親策諸臣若麒僅得刑部主事大失望謀改兵部會少詹事黃道周劾大學士楊嗣昌奪情起復嗣昌亟購人劾道周若麒鄉試爲職方司郎中王陞所取中至是陞以密結嗣昌新擢太僕少卿示意若麒若麒遂疏詆道周曰頃者大布王言諄諄然以正人心息邪說爲治天下貳臣傳

卷十二

六

之大本舉黨同伐異之隱情招權納賄之狡術無不見其肺腑數日以來羣黨藉藉或擲抄傳之邸報而怒視或引不論之遠事而詆譏有謂召對之日黃道周犯顏批鱗古今未有而上爲之理屈者又謂堅求一死而上左顧言他始終無如道周何者要使古今未有之好語盡出自道周口而凡可以歸過君父者無所不至蓋飾六藝以文姦言務在假託道學以把持朝廷而顯行其呼朋引類之計舉國如狂莫之敢指臣何敢長其兇鋒而不言疏入貶道周六秩調外

嗣昌以若麒知兵調爲兵部職方司主事尋遷郎中十四年我

太宗文

皇帝圍錦州總督洪承疇集諸鎮兵來援未敢決戰

兵部尚書陳新甲遣若麒往商於承疇欲分四路夾攻承疇慮兵分力弱議王持重若麒以圍可立解入告新甲益趣承疇進兵若麒屢報捷洵加光祿寺卿既而諸軍自松山出戰我師擊敗之殲殪各半若麒自海道遁還新甲庇之復令出關監軍十五年二月松山城破若麒復自寧遠遁還時大學士謝陞與新甲庇貳臣傳

卷十二

七

若麒並爲廷臣交章糾劾御史米壽圖劾若麒本不諳軍旅諂附楊嗣昌遂由刑曹調職方督臣洪承疇孤軍遠出若麒任意指揮視封疆如兒戲虛報大捷躡光祿卿冒功罔上恃鄉人謝陞爲內援當駢斬以慰九廟之靈於是若麒論死繁獄及流賊李自成陷京師縱出之受僞職爲山海防禦使

本

朝順治元年睿親王多爾袞定京師若麒迎降授順

天府丞暫管府尹事七月若麒啟請撥付兵馬往勦其鄉賊寇以濟南兗州東昌聽招撫侍郎王鰲永經

理而已分任登萊青三府睿親王以府尹不便領兵
進征諭止之先是吳三桂爲明總兵若麒素相識及
我

朝封三桂爲平西王若麒數通餽問睿親王諭責之曰

大小臣工只應辨本等職業不宜諂上竄下今察知
順天府人差取魚向各王府投送恐各官效尤諂竄成
風自後不得勞民獻諛有乖政體若麒啟辨各王府
從未輕謁惟平西王係舊知曾往弔其父喪又值生
辰一往拜壽亦無取魚投送之事此有人設謀陷害
貳臣傳 卷十二 八

故造爲謗言也睿親王諭以事豈無因姑不究旣往
九月若麒父配家居被土賊葛欽焚宅劫財傷亡疏
請丁憂回籍得

旨解任在京守制二年四月乞假葬父
允之又爲父請

卹下部議准予祭奠五年九月起補順天府丞七年遷大理

寺少卿旋遷太常寺卿管太僕寺卿事九年四月擢

通政使八月乞假歸省毋病十年三月以母病愈已

亦患病乞在籍調理十三年遇京察以久病休致死

方大猷列傳

方大猷浙江烏程人明崇禎十年進士官直隸井陘道福王時以大猷會降附流賊李自成定入從賊寨本朝順治元年五月投誠授鹽廬道隨侍郎王鰲永招撫山東七月擢山東巡撫疏請

頒詔崇祀孔子定闕里儀章典制得

音先師爲萬世道統之宗禮當崇祀昭朝廷重道尊師至意下部詳議舉行大猷復請以無業荒地分給流民及守兵

屯種三年起科開礦長清諸處鑄錢充餉行保甲以

貳臣傳

卷十二

九

弭盜減鹽課以卹商皆議行又疏荐明庶善士張端主事李森先等得錄用時究沂間土賊嘯聚大猷遣兵勦撫屢奏績二年二月給事中韓源劾奏山東吏治弊壞擒獲盜輒賄脫大猷擅逐長山知縣張廷鈺不入告輒以州判梁起禎代縱其貪婪

詔大猷

回奏大猷言土賊就撫法得寬者非閔賄脫梁起禎

貪婪無據張廷鈺由巡撫宋耶鐸議罷不入告在

耶鐸于是韓源復劾其欺飾耶鐸亦劾大猷擅逐廷

鈺有牒可據所奏誣罔事下登萊巡撫陳錦巡按李

之奇查核大猷坐謬罔部議革職得

旨從寬降調六月授密雲兵備道先是長清土賊李明尹三
清就撫旣而二人械鬥訟縣大猷時爲巡撫令斬之
以旣降復叛入奏

上覽奏未有叛據且不應先斬後奏

命陳錦覆勘得實大猷已之道任奉

論嚴責回奏大猷謂李明等不殺終叛急誅之以除後患其
時尙未定重辟奏請

上裁之例故遽行擒斬乞

貳臣傳

卷十二

十

賜原有

上大猷旣經降調免議九月以總漕楊方興葺調河南管

河道時汴梁決口未塞小宋口曹家寨流通諸處先

後衝決大猷初仕明嘗爲管河道方興謂其練習河

務故荐之七年八月河決荆龍口大猷議以來春鳩

工于上流築長堤緩過其勢乃築小長堤于決口請

帑十萬兩有奇期以半年歲事八年二月部推江南

按察使方興奏留之

命以按察使銜仍管河務尋荆龍決口逾期未塞削銜留任

十年河決大王廟給事中周體觀林起龍等交章劾
大猷耗帑誤工狀方輿爲劄辯得免議十三年總督
李蔭祖疏劾大猷曰決河以殃民者河伯也治河以
奠民者河道也今百姓不怨河伯而怨河道由大猷
奇貪極狡脔削之術旣工錙銖之利必盡慾壑難填
民膏已竭因臚列其科斂婪取數十款得

者鞫治
詔革職

下撫按逮訊得實計贓論絞越四年死于獄

貳臣傳

卷十二

十一

高爾儼列傳

高爾儼直隸靜海人明崇禎十二年進士授編修福
王時以爾儼曾降附流賊李自成定入從賊案

本朝順治二年四月以庶子李若琳荐授祕書院侍講

學士七月遷禮部右侍郎五年調吏部右侍郎六年

召在都御史八年三月轉吏部左侍郎八月擢補本部尙

書加太子太保九年侍

宴中和殿

賜貂鑲朝衣一襲十年正月御史吳達劾爾儼任匪人濫竽

貳臣傳 卷十二

五

漫無銓別且以部事批決于家不宜任冢宰下部察
奏以所劾無據免議二月引疾乞休

上允之尋

諭吏部曰爾儼存心醇謹行事和平近告病謝事其病狀已

悉知內院事務殷繁高爾儼仍以太子太保補宏文院大

學士其力疾入院辦事母以疾辭十一年以病解任尋死

諭曰大學士高爾儼和平清謹歷任勞著雖謝事養病恒望

痊可以竟謨猷忽聞溢逝朕深憫惻應給恩卹着從

優察例具奏十二年


特贈少保

賜祭葬謚文端
廕一子爲中書舍人

武臣傳

卷十二

吉



武臣傳
卷十二
吉

張忻列傳 子張端附

張忻山東掖縣人明天啟五年進士初任河南夏邑知縣行取授吏部主事累遷太常寺卿崇禎時官刑部尙書給事中姜埰先以言事下獄會歲疫出諸囚埰亦出卽謁謝賓客莊烈帝問之以詰忻忻懼復繫之獄流賊李自成陷京師忻從賊至

本

朝順治二年四月以天津總督駱養性荐授兵部左侍郎兼右副都御史巡撫天津閏六月疏言津門防海護漕宜充實營伍糧餉無缺今計兵餉欠支年請

貳臣傳

卷十二

古

勅部給發三年十月疏言滄州當衝要凡奉差船動索絳夫百餘復需馬趕夫名爲絳馬係明季相沿陋習借名色以便折價豈有步行人夫用馬追趕者貽累地方莫此爲甚應革十二月疏言靜海興濟二縣衝疲已極更疊遇災禱地土蕪蕪仍徵糧賦民力難支請恩旨蠲免疏入俱議行四年靜海唐官屯土寇作亂戕副將

周天命等忻坐飭防不密喪師掩飾降二級調用尋以病致任十五年死子端崇禎十六年進士改庶吉士亦從賊

張縉彥列傳

張縉彥河南新鄉人明崇禎四年進士歷清澗二原知縣十年行取入京候考選逾年未得命莊烈帝聞諸臣營競及濫徇狀責問吏部尙書田維嘉維嘉請先推部曹二十二縉彥預焉遷戶部主事十一年給事中吳麟徵等劾維嘉駐私乃召候考諸人及已推部員集中和門試策策規定十人爲翰林縉彥改授編修先是縉彥任主事時以前官陝西悉賊勢疏言賊長技在分窮技在合請分番兩軍一追一駐則官兵

貳臣傳

卷十二

六

不受牽制而賊可盡滅至是給事中沈迅荐其知兵改兵科都給事中縉彥疑尙書楊嗣昌嫉迅使之去翰林上疏劾嗣昌十六年兵部尙書馮元飈見賊勢張稱病去荐李邦華史可法自代莊烈帝不從超擢縉彥爲兵部尙書十七年二月流賊李自成逼畿輔副都御史施邦曜語縉彥急厲士李固守檄天下勤王兵入援縉彥不爲意莊烈帝召廷臣問兵餉皆不能對因憤惋斥縉彥負國無狀縉彥頓首乞罷三月李自成陷京師縉彥與大學士魏藻德率百官表賀

素服坐殿前羣賊爭戲侮之太監王德化叱其誤國
四月我

朝兵入山海關李自成敗走縉彥竄歸鄉里聞福王朱
由崧處據江寧馳疏自言集義勇揜偽官收復列城
卽授原官予總督河北山西河南軍務印聽便宜行
事時方治從賊案刑部尙書解學龍旣分六等擬罪
以縉彥已奉錄用列其名上大學士馬士英方秉政
凡大僚降賊賄入輒不問御史沈宸荃疏劾縉彥由
部曹拔置詞垣不數年擢典中樞乃率先從賊宜卽

貳臣傳

卷十二

七

加極刑不當屈法錄用給事中李維楨亦糾之曰縉
彥閹督失机寸斬莫贖逆賊入宮青衣候黠及賊西
走乃鼠竄狼奔伏草求活逃散餘魂安能收復河北
總督重任奈何遽畀賊臣疏入皆不報縉彥旣受命
士英復用其姻婭越其傑爲河南巡撫貪冒不知兵
結寨自守莫爲用縉彥奏令總兵許定國王之綱劉
洪起等畫疆分守然亦不能馭也

本朝順治元年九月都統葉臣等征山西師過河北縉
彥詣軍門納欵巡撫羅繡錦趣其赴京縉彥佯稱足

疾菊愈卽由長垣入

朝旋由陳橋渡河而南繡錦聞其已受明福王三省總

督之職籍其所留新鄉家室以

聞及豫親王多鐸統師定河南江南縉彥乃遁匿六安州商

麻山中三年二月招撫江南大學士洪承疇檄總兵

黃鼎入山招之縉彥赴江寧納欵齎總督印及解

散各寨士民册承疇疏荐之五月縉彥赴京師議以

投誠在江南大定後不用九年河南巡撫吳景道巡

按王亮教交章荐下吏部考核酌用給事中魏裔介

貳臣傳

卷十二

六

疏言縉彥在明朝身任中樞一籌莫展有盧杞賈似
道之奸而庸劣過之當流賊李自成逼北京匿不以
報於賊爲功首於明爲罪魁故都城破日爲司禮內
監王德化發憤毆擊衆所共覩其喪心無恥雖閹宦
羞與爲類幸逢

赦得飲啄於光天化日之下已爲厚幸若授以帷幄之寄

廁諸

顧問之班彼既不忠於昔日豈能効用於我朝乞

勅部擯棄以協輿論勿使魍魎魍魎白日公行疏入其鄉人

給事中蘇文樞奏縉彥屢經荐舉不當追卒前朝舊
事疏並下吏部議以右布政使用十年二月授山東
右布政使甫任事以緝獲私鑄報部戶部尙書陳之
遴暨大學士管吏部事陳名夏等奏予從優議敘爲
御史王秉乾所劾

上以名夏之遴植黨徇私

諭責之十一年遷浙江左布政使十五年擢工部右侍郎十
七年二月

上甄別三品以上充臣

貳臣傳

卷十二

九

論曰張縉彥自擢任侍郎不能實心任事且耽情詩酒好結
納交遊沽名取悅殊失人臣靖共之義著降四級調外用
尋補江南徽寧道是年六月死都御史魏裔介劾大學士

劉正宗罪惡言縉彥與爲莫逆友序其詩稱以將相
之才詞詭譎而心叵測均革職逮訊御史蕭震復疏
劾縉彥日明之亡也始於士大夫之明黨終於奸臣
之賣國縉彥仕明爲尙書在籍時卽交通闖賊至京
開門納款猶曰事在前朝已邀

上恩赦宥乃自歸誠後仍不現流心滌慮官浙江時編刊無

聲戲二集自稱不死英雄有弔死在朝房爲隔壁人救活云云莫以假死塗飾其獻城之罪又以不死神奇其未死之身臣未聞有身爲大臣擁戴逆賊盜鬻宗社之英雄且當日抗賊殉難者有人闔門俱死者有人豈以未有隔壁人救活遜彼英雄雖病狂喪心亦不敢出此語縉彥乃筆之於書欲使亂臣賊子相慕效乎是其在明季則傾覆天下以利身家在

本朝則悍起大心爲害風俗假令已死尙當鞭戮其屍示戒將伐豈容生存漏網請

貳臣傳

卷十二

字

勅明正典刑以肅綱常於萬世疏並下王大臣察議以縉彥詭詞惑衆及責訊時又巧辯欺飾擬斬決

上貫縉彥死褫其職追奪

誥命籍沒家產流徙寧古塔尋死

劉餘祐列傳

劉餘祐順天宛平人明萬歷四十四年進士歷知嘉興登封河內三縣行取遷刑部郎中出知平陽府累遷河南布政使應天府尹工部侍郎福王時以餘祐曾降附流賊李自成定入從賊案

本

朝順治元年睿親王定京師餘祐投誠授原官時京東土寇竊發疏請移順天巡撫駐密雲薊州道駐遵化從之又荐故明尚書仇維禎侍郎任睿副都御史賈毓祥御史張煊霍達傅景星莊憲祖舉人孫奇逢

貳臣傳

卷十二

三

梁維本等九人下部知之六年加太子太保七年初設六部漢尚書擢餘祐兵部尚書八年閏二月調刑部八月晉少保九年四月疏陳律例六款一斬絞雖同一死畢竟有別概論斬則過重應照例分別處決一流徒律各有等流則地分遠近徒則限分年月凡流罪惟隱匿逃人應解部彙發今則流罪俱解部徒者鞭責外竟放不充輕重多失竊思流者以罪不至死故量定三等且里數亦就本犯之地論如一概解部而後徒則遠省跋涉多至數千里不死於道路者

寡矣律原不言解部應改正徒罪亦照律發限滿
釋杖一誤傷致死律應絞自五年奉

責四十板贖一人夫以賠人作抵命是開讎法之端
死冤不雪應仍照律定擬一強盜論斬律文不云籍
沒且自甘爲盜安有厚家籍沒之物甚微而稽查有
無騷擾鄉里起送押運大費脚價至妻子則罪人不
孥豈容增累今除強盜正法外其妻子家產應免籍
沒一隱匿逃人窩主免死流徙關外須提取妻子盤
費不得不監候有妻產已到而戶部以人數零星必
貳臣傳

卷十二

三

勅部陸續押發卽隱匿之家亦有至情可憐如父母之於子
與于之于父母離亂重逢天性難割與常人有心隱
匿者不同乞量與分別一投旂漢人生事害民前已
勅部曉示凡投充犯法與民屬一體究治今復奉

旨不許稽禁旂人則凡自称旂人者地方官莫辨真假何以
措手今除真正旂下舊人犯事卽送部審不許監禁
外如投充人借勢生事請仍遵前

旨一體究治又疏言向例原止許貧民投各旂爲役嗣後有

身家地土者一概投充遂有積奸無賴或因圈地而
寧以地投或本無地而潛以他人地投甚且帶投之
地有限恃強霸佔百弊叢生地方有司不敢究治請
將投充之人總發州縣查明佔地各還原主俱下部
議行十月調戶部先是餘祐任刑部時與安鎮總兵
任珍以疑擅殺妻妾懼罪行賄已而事覺十年二月
法司勘問得實餘祐革職杖徒永不敘用尋死

貳臣傳

卷十二

三

龔鼎孳列傳

龔鼎孳江南合肥人明崇禎七年進士授兵科給事中十六年大學士周延儒罷歸舊輔王應熊赴召將至鼎孳疏劾應熊結納延儒營求再召政本重地私相援引延儒再出應熊復來天下事豈堪再誤疏入留中未下會延儒被逮在道不卽赴奠應熊先入爲之解莊烈帝知之命應熊歸賜延儒死時兵部尚書陳新甲獲罪東市鼎孳又疏詆呂大器爲陳新甲私人不宜令總督保定山東河北忤旨鐫秩及流賊李貳臣傳

卷十二

十四

自成陷京師鼎孳從賊受僞直指使職巡視北城

本

朝順治元年五月睿親王多爾袞定京師鼎孳迎降

授吏科右給事中尋改禮科二年九月遷太常寺少

卿三年六月丁父憂請

賜卹典

給事中孫培齡疏言鼎孳明朝罪人流賊御史蒙

朝

廷拔置諫垣優轉清卿曾不聞夙夜在公以答高厚

惟飲酒醉歌俳優角逐前在江南用千金置妓名顧

眉生戀戀難割多爲奇寶異珍以悅其心淫縱之狀

哄英長安已置其父母妻孥于度外及聞父訃而歌

飲留連依然如故虧行滅倫獨冀邀非分之典誇耀鄉里欲大肆其武斷把持之談請

勅 蔡核停格疏下部議降二級調用尋遇

恩詔九月補原官十年擢刑部右侍郎奏定本部事宜一諸司問擬大小獄情宜悉依律文確議不得棄律科罪一折獄務得其情虛者卽爲申雪實者推詳定案毋持兩可一獄訟宜令滿漢司官會訊錄詞呈堂復審或擬罪或釋放加以勘語付司存案一處決重囚宜令科臣將應決人犯詳註姓名其有情罪允當者

貳臣傳

卷十二

五

許卽時執奏一遣戍罪人宜就原籍遠近定地發遣一畿輔州縣旂民交訟惟命盜案情仍赴部質審門爭細事請卽合各州縣審擬申報督撫結案一老幼篤病律有收贖之條請再爲申明凡重犯連坐之家屬卽與依律科斷下所司議行明年二月轉戶部左侍郎五月遷都察院左都御史十一月疏請招納流民先擇寺院聚處編列保甲互爲稽查仍仿京城賑粥例有司親爲經理其往他處者卽令所在道廳招集量給資本留屯毋令失所十二年八月

謚邢部秋決鼎孳疏請令內外概行停決以彰一視之仁
又奏每年六月審定立決重犯候七月具題正法並
下部議行先是給事中許作梅莊憲祖等交章劾大
學士馮銓睿親王集科道各官質問鼎孳斥馮銓背
負天啟黨附魏忠賢作惡之人銓曰流賊李自成陷
害明帝竊取神器鼎孳反順逆賊竟爲北城御史鼎
孳曰豈止鼎孳一人何人不曾歸順魏徵亦曾歸順
太宗王笑曰人果自立聽然後可以責人鼎孳自比
魏徵而以李賊比唐太宗可謂無恥似此等人只宜
貳臣傳

卷十二

三

縮頸靜坐何得侈口論人遂罷不問嗣以陝西地震
鼎孳疏論任輔弼敘秩考課諸事

上知其意必有所指令指實回奏又語涉馮銓

上馮銓果有罪卽宜糾劾何得責令回奏始引銓抵塞
重員之至是

上鼎孳自擢任左都御史每於法司章奏倡生議論事涉

滿漢意爲輕重

劾周奏鼎孳具疏引罪詞復支飾下部議應革職

詔降八級調用尋以在法司時讞盜事後先異議又曾荐

舉納賄伏法之巡按顧仁再降一級十三年四月補
上林苑蕃育署署丞閏五月大學士成克鞏論鼎莘
掌護左通政使吳達隱其弟吳達通賊事請勘訊下
部察問鼎莘以不知達爲達弟申辯罰俸一年十七
年

詔甄別

京員以鼎莘素行不孚衆論復降三級調用罷署丞
康熙元年

詔部以

侍郎補用明年起都察院左都御史奏免康熙元年
以前徼微未完錢糧三年遷刑部尙書疏言法司審
貳臣傳

卷十二

七

擬事件若非徇私枉法雖或議罪稍輕引律未協既
行改正應免處分從之五年轉兵部八年轉禮部九
年充會試正考官十二年再充會試正考官八月以
疾致仕九月死

賜祭葬

如例謚端毅

孫承澤列傳

孫承澤順天大興人明崇禎四年進士官至刑科都給事中福王時以承澤曾降附流賊李自成定入從賊案

本朝順治元年五月起授吏科都給事中七月疏荐霸州道劉芳久才堪辦賊請加銜久任

詔以霸州上寇未絕芳久無功所舉爲徇私切責之十一月

遷太常寺少卿提督四譯館事二年四月遷左通政

八月遷太常寺卿四年六月遷大理寺卿五月擢兵

貳臣傳 卷十二 天

部右侍郎八年調吏部九年四月都察院疏糾承澤兩耳失聰請

勅部革退因解侍郎任五月

上以承澤無罪不應革退

命如舊供職八月轉左侍郎兩遇

恩詔加太子太保都察院左都御史銜十年二月吏部尙書

高爾儼以疾乞罷承澤奏言吏部尙書權衡所寄得

人爲難伏見大學士陳名夏在吏部時頗能持正請

以名夏分理部事必能仰副澄清之治

上覽奏謂閣臣曰朕見承澤此疏洞其隔微代爲含愧彼意
充其所請而用名夏則於彼有利否則又將使朕猜疑名
夏也因以侍郎推舉閣臣有乖大體責令回奏承澤戰慄
引罪自陳愚昧乞宥

論著之曰凡人自知有過宜卽行引罪若強自置辨則獲罪

滋大乃釋之尋

上幸內院覽諸奏章及明萬歷時史書言及承澤所奏

諭大學士洪承疇等曰六部大臣互相結黨殊不合理祇宜

爲君爲國秉忠持義善善惡惡爲是皆叩頭謝先是

貳臣傳

卷十二

无

正月承澤引疾乞休

上以其年力未衰不許三月再請乃許承澤旣歸御史楊義

劾承澤素附陳名夏表裏爲奸積年罪狀可據承澤

上書自訟十一年部議應休致遂不復用康熙十五

年死

祭葬如例所著有五經翼春明夢餘錄庚子銷夏記

薛所蘊列傳

薛所蘊河南孟縣人崇禎元年進士任山西襄陵縣知縣卓異授翰林院檢討尋遷國子監司業福王時以所蘊曾降附流賊李自成定人從賊案

本

朝順治元年五月睿親王多爾袞定京師所蘊迎降六月授原官二年二月疏言河南受賊荼毒村社盡墟當專設勸農墾荒官資以牛種俟三年成熟陸續補還奏入報

聞四月

遷祭酒五月奏稱滿洲學生皆沈毅聰俊志趨向上

貳臣傳

卷十二

三

國學僻處東北隅遠者十五六里近亦有數里奔馳道路辰巳開始到監申刻回家就食功課止午未二刻有名無實惟晝夜在監讀書庶有實益而號舍供給未定宜

勅部院酌議得

旨滿洲子弟就學請分四處每處用伴學十名勤加教習十

日一次赴監考課五日一次就本處演射務令文武兼資

以儲實用八月疏言前監臣李若琳請漢一品至七品官

子孫入監讀

清漢書未詳內外文武現任原任之

互異及入監數目多寡乙定文京官四品以上外三品以上武官二品以上俱准送一子入監讀書年老致任病歸及降革者現任所送仍准留監革任後不准從之四年正月因誤收學臣咨送貢監濫額降一級調用尋補太僕寺寺丞五年轉通政司右叅議七年遷順天府府丞八年晉太僕寺卿九年六月改詹事府詹事八月疏言署後舊建經庫又設司經局官兵燹後散佚無存請

勅部直省學臣量動學租及缺官缺廩銀購遺書解藏經庫

貳臣傳

卷十二

三

至國子監現存十三經二十一史並乞

頒發以司經局官典守得

旨允行九月教習庶吉士十年轉宏文院學士十一年十月擢禮部左侍郎十二月轉左十四年御史高爾儼劾所蘊年老每會議渺無識見宜引退所蘊亦乞休致康熙六年死

賜祭葬如例

傅景星列傳

傅景星河南登封人明崇禎十年進士授山西平陽府推官尋遷山東道監察御史巡按陝西未行流賊李自成陷京師景星從賊授偽兵政府侍郎掌職方司

本

朝順治元年錄明舊臣授原官二年正月巡按順天

二月疏言民房應給旗下者當寬限俟移後令管業又州縣清查絕產既已入官老稚無依衛地入官屯軍亦無棲止請量給閒房仍編入戶口嚴禁逃亡八

貳臣傳

卷十二

三

月疏言田地彼圈之民俱兌撥鹹薄屯地請照原額起徵倘支解不敷再於支解額中量省九月疏言完縣地瘠賦重原額止五分零後加至七分有奇較各州縣三四分不等請照原額徵收均下部議行先是商民出海運糴有禁十一月景星以天津所居者眾民食取給山左本年歲本歉收賴商販接濟請弛禁聽商民自便

詔如所請三年正月疏言

星上初以東兵未有恒產令圈種無主田地又以滿漢雜處

未便令擇處一方去年已有定區續撥將蔓延無制且莊房必近園地方以便耕鑿乞

詔部發

示所撥地畝察其與去年之園地相隣者不必復及他方其莊房亦止于原地內所有者不必圈及他地更除大路鎮店免撥以便行旅三月疏言奸徒謀充莊頭於續撥之田任意圈種請究治示懲又請蠲靜海興濟青縣三縣荒地錢糧俟成熟照例起科俱得旨允行四年遷太僕寺少卿六年轉左通政八年遷通政使九年遷左副都御史十年遷工部右侍郎十二年二

貳臣傳

卷十二

三

月給事中韓庭芭劾景星久居風憲羅列無恥繼轉工部尚書決一籌莫展且年老臃腫請

賜罷斥得

旨傳景星自行回奏五月以病乞假歸尋死

李元鼎列傳

李元鼎江西吉水人明天啟二年進士官至光祿寺少卿流賊李自成陷京師元鼎從賊投偽光祿寺少

卿

本朝順治元年睿親王定京師元鼎投誠授太僕寺少

卿二年二月裁大僕寺缺

命爲原

官四月遷木寺卿尋轉太常寺卿七月擢兵部右侍

郎八月疏言臣鄉襟江帶湖據金陵上游控閩粵而

連浙楚舊有江西巡撫控制全省又有南贛巡撫分

貳臣傳

卷十二

十四

理承平無事且不可一日缺人况又地方多事非得

人料理恐殘兵餘寇再肆蹂躪懇

恩遜簡重臣二員速往受事下所司知之三年疏言吉安一

郡祇臣一人受職

盛朝負固之兵視臣家爲仇讐倡亂之衆以臣家爲魚

肉致臣弟逼死臣母驚病家口流離盡皆散失今吉

安已復懇

恩給假歸省疏下吏部以樞務正繁未許因私請假得

旨著照舊辦事四月因元鼎曾荐私人倪先任于順天巡撫

柳寅東聽用後獲刦盜劉傑等稱先任是其同黨鞫實先任正法部議元鼎職係樞臣輒送匪人聽用雖稱不知爲盜未可遽信應擬斬寅東不查來歷收用先任後雖斥退亦擬杖徒

特恩免元鼎寅東罪姑革職八年閏二月吏部尙書譚泰陳名夏等遵

旨荐舉人材稱元鼎歷任清勤前緣事褫革非賍私可比請錄用以備驅使

詔起送來京八月復原官十年以總兵任珍前任興安擅殺

貳臣傳

卷十二

三

妻妾懼罪遣人至京行賄至是事敗兵刑二部株連得罪者十餘人元鼎議罪尤重應絞

恩詔仍免死杖徒折贖未幾死子振裕累官禮部尙書

熊文舉列傳

熊文舉江西新建人明崇禎四年進士官吏部郎中
福王時以文舉會降附流賊李自成定入從賊案

本朝順治元年投誠仍原官二年授右通政遷吏部右
侍郎會大兵平江南明福王朱由崧就擒文舉疏陳
四事一江浙閩粵等處明季加派賦額宜悉蠲免一
福王所授官多市井冒濫雖已投誠不可委用一山
林隱逸有清望素著潛修博學者請下郡縣報舉一
國家初定凡率先効順歷著勤勞者請特加優異得

貳臣傳

卷十二

三

旨允行旋以疾去官八年閏二月吏部列荐

詔起用八月補吏部左侍郎時江西自叛鎮金聲桓蹂躪之

後進賦積壅

詔悉蠲順治五年以前積進文舉請廣

皇恩斷自七年以前又以有司丈量荒地奉行無實或借端

苛索請

勅撫按清釐嚴剔又言大臣不知進退大節無以表率下僚

請

勅勵羣臣毋貪持祿位須病者致仕親老者終養務敦名節

以肅官常九年請

諭各省

大吏約束守令禁幕客家人招搖及縱蠹役爲民累
又江右甫經兵燹無貢生應考學官之人武生雜流
俱黃緣委署請

命撫按

學臣察擇舉人之文行兼優者充之諸疏並下所司
議行初文舉投誠時其父洪在籍明福王逮下獄文
舉子鼎華請以身代得釋而鼎華病死江南平有司
上其事

詔旌鼎華

至是洪卒文舉聞訃歸康熙元年起爲兵部左侍

貳臣傳

卷十二

七

賜祭葬

如例

郎二年以病乞假歸八年死

葉初春列傳

葉初春江南湖口人明崇禎元年進士初為常州府知府曾櫻屬吏以行取擢御史後東廠謫櫻行賄莊烈帝命械赴京初春知其廉於他事微白之詔問詰因言櫻賢不知賄所從至巡撫沈猶龍巡按張肯堂俱力白櫻寬乃釋罪初春轉給事中時宣府總兵李如松以父子兄弟並居重鎮勢驕橫屢被言官論劾俱不報初春請更調之乃命如松與山西李承恩更鎮遷初春太僕寺卿尋擢工部左侍郎福王時以初

貳臣傳

卷十二

天

春曾降附流賊李自成定人從賊案

本朝順治元年大兵定京師初春赴闕投誠仍原官十二月

賜鞍馬二年正月丁母憂時江西寇氛未靖道途阻塞

詔令初春在京守制八月江西平疏請回籍葬親許之初春

隨具疏為其父母及妻請祭葬禮部議以初春投誠

首附簡在司空恭值大工鼎建任事拮据念茲經始

恩卹宜及所生應照例與其父母祭一壇減半造葬至伊妻

止有附葬之例未便預為題覆

上如議行初春遂歸葬其親尋死於家



終

782.24617
44223

5995

6

賞臣傳
(清) 蔣 子 之 編

河北省立
天津圖書館

782.24617
44223

5995

卷號

定價

收日期

定價

實價

天津商務印書館

